



# PREZIDÊNCIA KONSELLU MINISTRUS

VI GOVERNUN KONSTITUSIONÁL

DÍLI, LORON 20 FULAN-DEZEMBRU TINAN 2016

## KOMUNIKADU IMPRENSA

### Sorumutuk Konsellu Ministrus nian iha loron 20 fulan-dezemburu tinan 2016

Konsellu Ministrus hala'o sorumutuk iha tersa ne'e no, nu'udar kontinuasaun husi apresentasaun ne'ebé Ministru Estadu, Koordinador Asuntu Ekonómiku no Ministru Agrikultura no Peskas halo ona iha sorumutuk Konsellu Ministrus nian iha loron 13 fulan-dezemburu tinan 2016, halo aprovasaun ba proposta lei kona-ba **arbitrajen, mediasaun no konsiliaaun** iha konflitu komersiál sira, ne'ebé fó dalan ba rezolusaun alternativa ida ba tribunál sira.

Konsellu Ministrus aprova ona proposta dekretu husi Ministériu Edukasaun kona-ba **subsídiu ba membru sira husi Komisaun Instaladora Institutu Politékniku Betanu (KIIPB)**, estabelesimentu públiku Ensinu Tékniku nian dahuluk. Kriasaun institutu ne'e nian sei fó oportunidade ensinu superiór nian ne'ebé boot liután iha área sira ne'ebé importante ba fortalecimento ekonomia no progresu tékniku no sientífiku.

Ministériu Administrasaun Estatál (MAE) ninia dekretu kona-ba **sistema jestaun residuu sólidu urbanu sira** hetan ona aprovasaun husi Konsellu Ministrus – realidade hatudu katak kreximentu populasaun Dili nian ne'ebé lalais tebes ezije atu kria regra no prinsipiu lubun ida iha área ida ne'e.

Organizasaun norte-amerikana International Republican Institute (IRI) – ne'ebé lidera husi Senador John McCain – apresenta ona rezultadu ida husi **inkéritu nasional kona-ba opiniaun pública iha Timor-Leste**, ne'ebé maka hala'o iha momentu tolu ne'ebé la hanesan: iha tinan 2008, 2013 no 2016. Informasaun sira ne'ebé hakerek iha relatóriu ne'e, trata tuir metodolojia internasionál sira kona-ba investigasaun sosiál no kona-ba merkadu. Lojística informática husi inkéritu ne'e asegura husi INSIGHT Inc., ho monitorizasaun husi empreza peskiza nian kona-ba opiniaun pública Chesapeake Beach Consulting no husi IRI.

Ministériu Administrasaun Estatál apresenta ona proposta dekretu-lei ida kona-ba orgánika **Institutu Nasionál Administrasaun Pública (INAP)** nian, servisu autónomu MAE nian ne'ebé iha misaun atu



Palácio do Governo,  
Avenida Presidente Nicolau Lobato,  
Dili, Timor-Leste

pcm.gov.tl@gmail.com  
(+670) 33 310 608

promove desenvolvimento no kualifikasaun rekursu umanu sira Administrasaun Públika nian no, liu-liu, desenvolvimento kompeténsia jestaun nian sira husi dirijente no xefia sira Administrasaun Públika nian.



Palácio do Governo,  
Avenida Presidente Nicolau Lobato,  
Dili, Timor-Leste

[pcm.gov.tl@gmail.com](mailto:pcm.gov.tl@gmail.com)  
(+670) 33 310 608